


# Olo La!



André Ngāpō

# Olo La!



Na lolomi i te 2019 e te Matāeke o Akoakoga a Tokelau

Puha Meli 3298

Apia

Samoa

[www.tokelau.org.nz](http://www.tokelau.org.nz)

Na lolomi muamua i te 2014 e te New Zealand Ministry of Education ma nae igoa ki te *Haere Atu!* i te heti tuhi a te Ready to Read. Ko te lolomiga tenei o te 2019 na lolomi i lalo o te fakatagaga a te New Zealand Ministry of Education ma na fakatupe mai i te fehoahoani a te Australian Government, Department of Foreign Affairs and Trade (DFAT).

Ko na aiā ki te tala i te gagana Peletania e puipuia © e te Crown (Niu Hila) 2014

Ko na aiā ki te tala i te gagana Tokelau e puipuia © e te Matāeke o Akoakoga a Tokelau 2019

Ko na aiā ki na ata e puipuia © e te Crown (Niu Hila) 2014

Ko na aiā uma e puipuia.

Fakafehokotaki te lomi tuhi mo ho he fakamatalaga e fia maua.

Tautuaga mo na galuega fakahalalau e maua mai i te: Lift Education E Tū  
[www.lifteducation.com](http://www.lifteducation.com)

Ko te kaufaigaluega hiaki ko: Don Long, te Matāeke o Akoakoga a Tokelau, ma Bernadette Wilson  
Ko te tino na teuteua te tuhi ko: Bolster Design

ISBN 978 982 9181 08 4 (lolomi)

ISBN 978 982 9181 09 1 (initaneti)

Numela o te tuhi 18108

***na tuhia e André Ngāpō***

***na fakaliliu e Maliana Luka***

***na tuhia na ata e Vasanti Unka***

Matāeke o Akoakoga

Ko Namu ma Sandy nae fia kakaia.

Na mahahau takamilo

i te matafaga.

Na mahahau takamilo

i na tama ma na teine.

Na mahahau takamilo

i na mami ma na teti.

“Kikila! Kikila atu ki na kili mananaia,”

na kalaga atu ai ia Namu.

“Ta olo oi mimiti,”

na kalaga atu ai ia Sandy.



Kua mahahau atu ki he teine  
ma tona pulou fakaofuofu.

“Tenei te tāua meakai aoauli!”  
na kata atu ai ia Namu.  
“Mmmm. Kai te malie!”

“Te malie!” na lea atu ai ia Sandy.



Kae ko te teine ma te pulou fakaofuofu  
na oho ki luga.

Kua tapō ona lima ma taufolua,  
“Olo la. Olo kehe!

Ko au e he ko he meakai aoauli  
e a koulua i te aho nei!”

Kua mahahau kehe atu na lago katiogo,  
ki luga o te tama  
ma ona kofuvae pupuku takaholoholo.

“Fano loa! Fakavave!”  
na kalaga atu ai ia Namu.

“Mmmm! Ko te malie ko,”  
na lea atu ai ia Sandy.




“Oieke!” na lea ai te tama  
ma ona kofuvae pupuku takaholoholo.  
Na tapō ma hahau ona vae.  
“Olo la. Olo kehe!  
Ko au e he ko he meakai aoauli  
e a koulua i te aho nei!”  
na taufolua atu ai ia.



Ko Sandy ma Namu  
kua mahahau kehe atu.  
Kua mahahau atu nei ki he tamaloa  
ma tona mitiafu takatututu.  
  
“Tenei ko ta ka olo!”  
na lea atu ai ia Sandy.  
“Mimiti, mimiti.”  
  
“Kai te malie!” na kalaga atu ai ia Namu.

Kae ko te tamaloa  
ma tona mitiafu takatututu  
kua oho ki luga.  
Kua tapō ona lima ma taufolua,  
“Olo la. Olo kehe!  
Ko au e he ko he meakai aoauli  
e a koulua i te aho nei.”  
  
“Aue!” na kalalaga atu ai  
ia Sandy ma Namu.



Kua felele atu nei ki luga o he fafine  
e iei tana ato takaponapona  
mo na tafaoga i te matafaga.

“Olo loa! Fakavave!”  
na kalaga atu ai ia Sandy.

“Mimiti, mimiti, te malie!”  
na lea atu ai ia Namu.



Ko te fafine ma te ato takaponapona  
mo na tafaoga i te matafaga  
e hēki tafiti ki luga ma lalo.  
E hēki tapōa ona lima ma ona vae.  
E hēki taufolua foki.

Kae, na papae filemu ki loto  
o tana ato takaponapona  
mo na tafaoga i te matafaga ...





“Aue! Kikila atu!”  
na kalaga atu ai ia Sandy.  
“Ta olo, ta olo, felele loa.  
E heai he meakai aoauli  
mo ki tāua i kinei i te aho nei!”



MATĀKE O AKOAKOGA A TOKELAU

